

武
林
舊
事

宋周密輯

下

進步書
局校印

武
林
舊
事

PDG

武林舊事卷第七

宋 四水潛夫周密輯

此書叢脞無足言。然間有典章一二可觀。故好事者或取之。然遺闕故不少也。近見陝源家所藏德壽宮起居注。及吳居父甘昇所編逢辰等錄。雖皆瑣釀陳碎散漫。參考旁證。自可互相發揮。又皆乾淳奉親之事。其一時承顏養志之娛。燕閒文物之盛。使觀之者。錫類之心。油然而生。其於世教民彝。宜小補哉。因輯為一卷。以為此書之重。然余所得而聞者。不過此數事耳。若二十八年之久。余雖不得盡知而盡紀之。然即其所知。其所不知。蓋亦可以想見矣。因益所未備。通為十卷。雖然書之。既不能有所次第。亦不暇文其言詞。貴乎紀實。且使世俗易知云爾。

乾道三年三月初十日。南內遣閣長至德壽宮。奏知連日天氣甚好。欲一二日間。恭邀車駕幸聚景園看花。取自聖意。選定一日。太上云。傳語官家。備見聖孝。但頻頻出去。不惟費用。又且勞動多少人。本宮後園。亦有幾株好花。不若來日請官家過來。閒看。遂遣提舉官同到南內。奏過。遵依訖。次日。進早膳後。車駕與皇后太子過宮起居。

二殿訖。先至燦錦亭。進茶。宣召吳郡王。曾兩府。已下六員侍宴。同至後苑看花。兩廊
泣。是小內侍及幕士。效學西湖。鋪放珠翠花朵玩具。匹帛及花籃。闌竿市食等。許從
內人關撲。次至毬場。看小內侍拋綵毬。蹴秋千。又至射廳。看百戲。依例宣賜。回至清
妍亭。看茶蘼。就登御舟。繞堤閒遊。亦有小舟數十隻。供應雜藝。嚙唱鼓板。蔬果。與湖
中一般。太上倚闌閒看。適有雙燕掠水飛過。得旨。令曾覲賦之。遂進阮郎歸云。柳陰
庭院。占風光。呢喃春晝長。碧波新漲小池塘。雙雙蹴水忙。萍散漫。絮飛揚。輕盈體態
狂。為憐流水落花香。銜將歸。晝染既登舟。知閣張揄。進柳梢青云。柳色初濃。餘寒似
水。纖雨如塵。一陣東風。穀紋微皺。碧沼鱗鱗。仙娥花月精神。奏鳳笙鸞。弦闌新。萬歲
聲中。九霞杯內。長醉芳春。曾覲和進云。桃靨紅勻。梨腮粉薄。鴛徑無塵。鳳閣凌虛。龍
池澄碧。芳意鱗鱗。清時滴聖花神。看內苑風光。又新一部仙韶。九重鸞仗。天上長春。
各有宣賜。次至靜樂堂。看牡丹。進酒三盞。太后邀太皇官家。同到劉婉容位奉華堂。
聽摘阮奏曲罷。婉容進茶訖。遂奏太后云。本位近教得二女童。名瓊華。綠華。並能琴
阮。下碁。寫字。畫竹。背誦古文。欲得就納與官家。則劇。遂令各呈伎藝。併進自製阮譜
三十曲。太后遂宣賜。婉容宣和殿玉軸沈香槽。三峽流泉。正阮一面。白玉九芝道冠。

北珠緣領道懸銀絹三百匹兩。會子三萬貫。

陳到一百萬貫似誤

是日三殿竝醉。西牌還內自

此官裏。知太上聖意。不欲頻出勞人。遂奏知太上。命脩內司。日下於北內後苑。建造冷泉堂。疊巧石為飛來峯。開展大池。引注湖水。景物竝如西湖。其西又建大樓。收蘇軾詩句。名之曰聚遠。竝是今上御名恭書。又御製堂記。太上賦詩。今上恭和。刻石堂上。是歲翰苑進端午帖子云。聚遠樓前面面風。冷泉堂下水溶溶。人聞炎熱何由到。真是瑤臺第一重。又曰。飛來峯下水泉清。臺沼經營不日成。境趣自超塵世外。何須方士覓蓬瀛。皆紀實也。

淳熙三年五月二十一日。天申聖節。先十日。駕詣德壽宮進香。竝進奉銀五萬兩。絹五千匹。錢五萬貫。度牒一百道。用綠油匣二百箇。上貼簽云。臣某御謹進。令幕士安

頓寢殿前。候閣長到宮。移入殿上。并鋪放七寶金銀器皿等。十二日。皇后到宮進香。

排日。皇太子皇太子妃。并大內職典等進香。至日卯時。車駕率皇后太子太子妃

文武百僚。並詣宮上壽。車駕至小次降輦。太上遣本宮提舉傳旨減拜行禮。上回奏

云。上感聖恩。容臣依禮上壽。太上再命減十拜。俟太上升殿。皇帝起居拜舞如儀。併

率皇太子百官奉。上御酒。樂作。衛士山呼。駕興。入帷次。小歇。樂人再排立殿上降簾。

太上再生。太后率皇后太子妃上壽。六宮次第起居。禮畢退。上侍太上過寢殿。進早膳。太上令宣喚吳郡王等官前來伴話。上侍太上同往射廳看百戲。依例宣賜。再入帷次小歇。上遣閣長奏知太上。午時二刻。恭請赴坐。至期車駕並赴德壽殿排當。自皇帝已下。迥簪花侍宴。至第三盞。太上遣內侍請官家免花帽兒束帶。并卸上蓋衣。官裏回奏。上感聖恩。并免皇后頭冠。皇太子穿靴。並謝恩訖。太上泛賜皇太子。壘金嵌寶盤盞。紫羅紫紗。南北內互賜。承應人日子錢。主管禁衛官。率禁衛等人。於殿門外謝恩。又入帷次小歇。約二刻。再請太上往至樂堂再生。教坊大使申正德。進新製萬歲興龍曲。樂破對舞。各賜銀絹有差。又移宴清華。看蟠松宮嬪五十人。皆仙妝。奏清樂進酒。并倚前呈新藝。約至五盞。太上賜官裏御書急就章。并金剛經。官家却進御書真草千字文。太上看了甚喜云。大哥近日筆口甚進。上起謝。同皇太子步至蟠松下。看御書詩。再入坐。太上宣索翡翠鸚鵡杯。官裏與皇后親捧盃進酒。太上曰。此是宣和間外國進到。可以屑金。就以為賜。上謝恩。時太上官家。並已七八分醉。遂再服上蓋。率皇后太子謝恩。宣平輦近裏升輦。太上宣諭知省云。官家已醉。可一路小心照管。知省等領聖旨還內。來早。上遣知省至宮。恭問二聖起居。并奏欲親到宮謝恩。

太上就令提舉往問興居。并免到宮行禮。

八月二十一日。壽聖皇太后生辰。先十日。車駕過宮。先至太上處起居。方至本殿進香。次皇后皇太子太子妃莊文太子妃張娘娘已下。並進香起居。上至太上內書院進泛索。遂奏安止還內。十二日。婉容到宮。至西便門廊下。先至太上處奏起居。次入

本殿進香。值雨。免下階起居。大內進香。十三日。知省及大官到宮進香。閱長就管押

進奉銀絹度牒等。并七寶銀金器皿。此天申節減率并珠子十號。並於後殿鋪放。十六日。本

殿提舉。率本宮官屬進香。并設放壽星及神僊意思書畫等物。隔簾奏唌。免起居。退

次日。皇太后宅親屬到宮進香。并本宮人吏後苑官屬作口使臣等。並節次進香。二

十一日卯時。皇后先到宮。候駕到。至太上前殿起居。次至本宮殿。陳刻無宮字官家第一

班。皇后第二班。太子并太子妃第三班。共上壽訖。太后宅親屬上壽。並同天申節儀

太上數官裏至清心堂。進泛索。值雨。不呈百戲。依例支賜。午初二刻。奏辨就本殿大

堂面北坐。官家花帽兒上蓋。皇后三釵頭冠。並賜簪花。至五蓋。並免大衣服。官裏便

背兒赴坐。第七蓋。小劉婉容進自製十色菊千秋歲曲破。內人瓊瓊柔柔對舞。上於

閣子庫取賜五兩數珠子一號。細色北段各十疋。太后又賜七寶花十枝。珠翠芙蓉

緣領陳刻一副。又移坐靈芝殿。有木屏處進酒。次到至樂堂再坐。至更後還內。

十月二十二日。今上皇帝會慶聖節。至日車駕過宮。太上升殿起居訖。簪花拜舞。進

壽酒訖。太上回賜壽酒。次至太后殿行禮。詳見第一卷從太上至後苑梅坡看早梅。又至

浣溪亭看小春海棠。午初至戴忻堂排當。官家換素帽兒。太后賜官裏女樂二十人。

上再拜謝恩。并教坊都管王喜等進新製會慶萬年薄媚曲破對舞。竝賜銀絹。太上

以白玉桃盃賜上御酒云。學取老今年紀。早早還京。上飲酒再拜謝恩。三盞後官家

換背兒免拜。皇后換團冠背兒。太子免繫裏。再坐。本宮御侍六人。竝升郡夫人就賜

誥謝恩。并照例支散目子錢。太上也賜官裏玉酒器十件。曼珠嵌寶器四一千兩。克絲

作金龍裝花軟套閣子一副。侍宴官吳郡王已下。各賜金盤盞匹段。并薔薇露酒香

茶等。是日官裏大醉。申後宣道遙子入便門。升輦還內。

淳熙五年二月初一日。上過德壽宮起居。太上留坐冷泉堂。進泛索訖。至石橋亭子

上看古梅。太上曰。苔梅有二種。一種宜興張公洞者。苔蘚甚厚。花極香。一種出越上

苔如綠絲。長尺餘。今歲二種同時著花。不可不少留一觀。上謝曰。恭領聖旨。上皇因

言多日不見。史浩命內侍宣召。既至起居訖。賜坐。并召居廣鄭藻。初筵。教坊奏樂呈

伎酒三行。太上宣索市食。如李婆婆雜菜羹。賀四酪。面臘三豬脰。胡餅。戈家甜食等數種。太上笑謂史浩曰。此皆京師舊人。各厚賜之。史起謝。又移宴靜樂堂。盡遣樂工。全用內人動樂。且用盤架品味百餘種。酒行無算。又宣索黃玉紫心葵花大盞。太上親自宣勸。史捧觴為兩宮壽。時君臣皆已霑醉。小內侍密語史相公云。少酌。上聞之。曰。滿酌不妨。當為老先生一醉。太上極喜。賜史少保玉帶一條。冰片腦子一金合。紫泥羅二十匹。御書四軸。史相謝恩而退。

淳熙六年三月十五日。車駕過宮。恭請太上太后。幸聚景園。次日。皇后先到宮起居。入幕次。換頭面。候車駕至。供泛索訖。從太上太后至聚景園。太上太后至會芳殿降輦。上及皇后至翠光降輦。竝入幄次小歇。上邀兩殿至瑤津少坐。進泛索。太上太后竝乘步輦。官裏乘馬。遍遊園中。再至瑤津西軒。入御筵。至第三盞。都管使臣劉景長供進新製泛蘭舟曲破。吳興祐舞。各賜銀絹。上親捧玉酒船。上壽酒。酒滿玉船。船中人物。多能舉動如活。太上喜見顏色。散兩宮內官酒食。并承應人目子錢。遂至錦壁。賞大花三面。漫坡牡丹。約千餘叢。各有牙牌金字。上張大樣碧油絹幕。又別翦好色樣一千朵。安頓花架。竝是水晶玻璃。天青汝窑金瓶。就中間沈香卓兒一隻。安頓白

玉碾花商蓐約高二尺徑二尺三寸獨插照殿紅十五枝進酒三杯應隨駕官人內
官竝賜兩面翠葉滴金牡丹一枝翠葉牡丹沈香柄金線陳刻御書扇各一把是日

知閣張掄進壺中天慢云洞天深處賞嬌紅輕玉高張雲幕國艷天香相競秀瓊苑

風光如昨露洗妖妍陳刻風傳馥郁雲雨巫山約春濃如酒五雲臺榭樓閣聖代道

洽功成一塵不動四境無鳴柝屢有豐年天助順基業增隆山嶽兩世明君千秋萬

歲永享昇平樂東皇呈瑞更無一片花落賜金盃盤法錦等物此詞或謂是康伯可
所賦張掄以為己作

又進酒兩盞至清輝少歇至翠光登御舟入裏湖出斷橋又至珍珠園太上命盡買

湖中龜魚放生并宣喚在湖賣買等人內侍用小綵旗招引各有支賜時有賣魚羹

人宋五嫂對御自稱東京人氏隨駕到此太上特宣上船起居念其年老賜金錢十

文銀錢一百文絹十匹仍令後苑供應泛索時從駕官丞相趙雄樞密使王淮參政

錢良臣竝在顯應觀西齋堂侍班各賜酒食翠花扇子至申時御舟泊花光亭至

會芳少歇時太上已醉官裏親扶上船竝乘轎兒還內都人傾城盡出觀瞻贊嘆聖

孝

九月十五日明堂大禮十三日值雨未時奏請宿齋北內送天花摩姑靈煎山藥麥

兒乳糖巧炊火燒角兒等。十四日早。車駕詣景靈宮。回太廟宿齋。雨終日不止。午後
太上遣提舉至太廟。傳語官家。連日祀事不易。所有十六日詣宮飲福。以陰雨泥滯
勞頓。可免到宮行禮。天氣陰寒。請官家善進御膳。頻添御服。聖旨遣閣長回奏。上感
聖恩。至日若登樓肆赦時。依舊詣宮行禮。若值雨不登門時。續當奏聞。至晚雨不止。
宣諭大禮使趙雄。來早更不乘輅。止用道遙輦。詣文德殿致齋。一應儀仗排立。竝行
赦免。從駕官並常服。以從。併遣御藥奏聞。北內來日為值雨。更不乘輅。謹遵聖旨。更
不過宮行飲福禮。太上令傳語官家。既不乘輅。此間也不出去看也。大禮使趙雄。雖
已得旨。猶不許放散。上聞之曰。來早若不晴時。有何面目。雄聞之曰。縱使不晴。得罪
不過罷相耳。堅執不肯放散。至黃昏後。雨止月明。上大喜。遣內侍李思恭。宣諭大禮
使。仍舊乘輅。再遣御藥奏聞。北內以天晴。仍舊乘輅。候登門肆赦。詔詣宮行飲福禮。
十五日。晴色甚佳。車駕自太廟乘輅還內。日映御袍。天顏甚喜。都民皆贊嘆聖德。至
巳時。太上直閣子官往齋殿。傳語官家。且喜晴明。可見誠心感格。賜御用匹段玉鞦。
纏七寶篋刀子。事件素食果衣等。仍諭連日勞頓。免行飲福禮。今上就遣知省回奏。
上感聖恩。天氣轉晴。皆太上皇帝聖心感格。容肆赦詔。詣宮行禮。併謝聖恩。十六日。

登門肆赦畢。平駕詣宮小次降輦。提舉傳太上皇聖旨。特減八拜。仍免至壽聖處。飲福行禮畢。畧至絳華堂。進泛索。知閣張掄進臨江仙詞云。聞道彤庭森寶仗。霜風逐雨驅雲。六龍扶輦下青冥。香隨鸞扇遠。日映赭袍明。簾捲天街人頂戴。滿城喜氣氤氳。等閒散作八荒春。欲知天意好。昨夜月華新。

淳熙七年十二月二十八日。南內遣御藥。并後苑官。管押進奉兩宮守歲合食。則劇金銀錢消夜歲軸果兒錦燈鍾馗爆竹羔兒法酒春牛花朵等。就奏知太上皇帝。元日。欲先詣宮朝賀。然後還內。引見大金人使。太上不許。傳語官家。至日可先引見人使。訖却行到宮。

淳熙八年正月元日。上坐紫宸殿。引見人使。訖即率皇后皇太子太子妃至德壽宮。行朝賀禮。詳見第一卷。并進呈畫本人使面貌姓名。及館伴問答。是歲太上聖壽七十有

五。舊歲欲再行慶壽禮。太上不許。至是乃密進黃金酒器二千兩。上侍太上於樞木堂香閣內說話。宣押茶待詔。并小說人孫奇等十四人。下茶兩局。各賜銀絹。供泛索。訖官家恭請太上太后。來日就南內排當。初二日。進早膳。訖遣皇太子到宮。恭請兩殿。竝只用轎兒。禁衛簇擁入內。官家親至殿門恭迎。親扶太上降輦。至損齋進茶。次

至清燕殿閱看書畫玩器。約午時初。後苑恭進酥酒十色熬煮。午正二刻。就凌虛排當。三盞。至萼綠華堂看梅。上進銀三萬兩。會子十萬貫。太上云。宮中無用錢處。不須得上再三奏請。止受三分之一。未初。雪大下。正是臘前。太上甚喜。官家云。今年正欠些雪。可謂及時。太上云。雪却甚好。但恐長安有貧者。上奏云。已令有司比去年倍數支散矣。太上亦命提舉官於本宮支撥官會。照朝廷數目。發下臨安府支散貧民一次。又移至明遠樓。張燈進酒。節使吳玠進喜雪水龍吟詞云。紫皇高宴蕭臺。變成戲擊瓊包碎。何人為把銀河水。翦甲兵都洗。玉棧乾坤。八荒同色。了無塵翳。喜冰消太液。暖融鴉鵲。端門曉班初退。聖主憂民深意。轉鴻鈞滿天和氣。太平有象。三宮二聖。萬年千歲。雙玉盃深。五雲樓迴。不妨頻醉。細看來。不是飛花片片。是豐年瑞。上大喜。賜鍍金酒器二百兩。細色段匹。復古殿香羔兒酒等。太后命本宮歌板色歌。此曲進酒。太上盡醉。至更後。宣轎兒入便門。上親扶太上上輦還宮。

淳熙九年八月十五日。駕過德壽宮起居。太上留坐至樂堂。進早膳畢。命小內侍進綵竿垂釣。上皇曰。今日中秋。天氣甚清。夜間必有好月色。可少留看月了去。上恭領聖旨。索車兒同過射廳射弓。觀御馬院使臣打毬。進市食。看水傀儡。晚宴香遠堂。堂

東有萬歲橋。長六丈餘。竝用吳璘進到玉石。釵成四畔。雕鏤闌檻。瑩徹可愛。橋中心作四面亭。用新羅白羅木蓋造。極為雅潔。大池十餘畝。皆是千葉白蓮。凡御榻御屏。酒器香奩器用。竝用水晶。南岸列女童五十人。奏清樂。北岸芙蓉岡一帶。竝是教坊工。近二百人。侍月初上。簫韶齊舉。縹緲相應。如在霄漢。既入座。樂少止。太上召小劉貴妃。獨吹白玉笙。霓裳中序。上自起執玉盃。奉兩殿酒。并以壘金嵌寶注椀杯盤等。賜貴妃。侍宴官開府曾觀。恭上壺中天慢一首云。素颺颺。碧看天衢。穩送一輪明月。翠水瀛壺人不到。比似世間秋別。玉手瑤笙。一時同色。小按霓裳處。天津橋上。有人偷記新闕。當日誰幻銀橋。阿瞞兒戲。一笑成癡絕。肯信羣仙高宴處。移下水晶宮闕。雲海塵清。山河影滿。桂冷吹香雪。何勞玉斧。金甌千古無缺。上皇曰。從來月詞。不曾用金甌事。可謂新奇。賜金束帶紫番羅水晶注椀一副。上亦賜寶蓋古香。至一更五點還內。是夜隔江西典。亦聞天樂之聲。

淳熙十年八月十八日。上詣德壽宮。恭請兩殿往浙江亭觀潮。進早膳。詔御輦。兒及內人車馬。竝出候潮門。先命脩內司於浙江亭兩旁。扒縛席屋五十間。至是竝用綵纈幕帟。得旨從駕百官。各賜酒食。竝免侍班。從便觀看。先是澈浦金山都統司水

軍五千人。抵江下。至是又命殿司新刺防江水軍。臨安府水軍。竝行閱試。軍船擺布。西興龍山兩岸。近千隻。管軍官於江面分布五陣。乘騎弄旗。標槍舞刀。如履平地。點放五色煙炮。滿江。及煙收炮息。則諸船盡藏。不見一隻。奉聖旨。自管軍官已下。竝行支犒一次。自龍山已下。貴州豪民綵幕。凡二十餘里。車馬駢闐。幾無行路。西興一帶。亦皆抓縛幕次。綵繡照江。有如鋪錦。市井弄水人。有如僧兒。留住等。凡百餘人。皆手持十幅綵旗。踏浪爭雄。直至海門迎潮。又有踏混水。水傀儡。水百戲。撮弄等。各呈伎藝。竝有支賜。太上喜見顏色。曰。錢塘形勝。東南所無。上起奏曰。錢塘江湖。亦天下所無有也。太上宣諭侍宴官。令各賦。酌江月一曲。至晚進呈。太上以吳琚為第一。其詞云。玉虹遙挂。望青山。隱隱一眉如抹。忽覺天風吹海立。好似春雲初發。白馬凌空。瓊甃駕水。日夜朝天闕。飛龍舞鳳。鬱葱環拱。吳越此景。天下應無。東南形勝。偉觀真奇絕。好似吳兒飛綵幟。驚起一江秋雪。黃屋天臨。水犀雲擁。看擊中流楫。晚來波靜。海門飛上明月。兩宮竝有宣賜。至月上還內。

淳熙十一年六月初一日。車駕過宮。太上命提舉傳旨。感暑請官家免拜。至內殿起居。太上令小內侍扶掖。免拜謝恩。太后處亦免拜。太上遣官裏便背兒。至冷泉堂進

早膳訖。太上宣諭云。今歲比常年熱甚。上起答云。伏中正要如此。太上云。今日且留在此。納涼到晚去。或三省有緊切文字。不妨就帳次進呈。上領聖旨。遂同至飛來峯。看放水簾。時荷花盛開。太上指池心云。此種五花同幹。近伯圭自湖州進來。前此未見也。堂前假山。倚竹古松。不見日色。並無暑氣。後苑小廝兒三十人。打息氣唱道情。太上云。此是張楡所撰鼓子詞。後苑進沆瀣漿。雪浸白酒。上起奏曰。此物恐不宜多喫。太上曰。不妨。反覺爽快。上曰。畢竟傷脾。太上首肯。因閒說宣和閒公公。每遇三伏。多在碧玉壺。及風泉館。萬荷莊等處納涼。此處涼甚。每次侍宴。雖極暑中。亦著納涼兒也。命小內侍宣張婉容。至清心堂撫琴。并令暴童下碁。及令內侍投壺賭賽利物。劇官家進水晶提壺。連索兒。可盛白酒二斗。白玉雙蓮杯盤。碾玉香脫兒一套。六箇大金盆一面。盛七寶水戲。并宣押趙喜等。教舞水族。又進太皇太后白玉香珀扇柄兒四把。龍涎香數珠佩帶五十副。真珠香囊等物。直至酉初還內。

武林舊事卷第八

宋 四水潛夫周密輯

車駕幸學

先期三日。儀鸞司及內侍省官。至國子監相視八廡。亦至學中搜檢。次日。諸齋生員。盡行搬出學外安泊。各齋門並用黃封。學官預擬御課題。咸淳丁卯出辟雅揚緝熙賦用黃羅裝

背。大冊面僉云。太學某齋生臣姓某供。以大黃羅袱護之。置於各齋之前。以備駕至

點索。崇化堂後。即聖駕歇泊之所。皆設御屏黃羅幃。設供御物等。凡敕入宮門。號止

於國子監外門。敕入殿門。號止於國子監內門。敕入禁衛。號止於崇化堂天井。謂之

隔門。除司業祭酒外。其餘學官前廊長諭。並帶黃號。於隔門外席地坐。賜酒食三品。

以俟迎駕。駕至純禮坊。隨駕樂部。參軍色念致語。雜劇色念口號。起引子。導駕至大

成殿櫺星門。禮部太常寺官。國子監三學官。及三學前廊長諭。率諸生迎駕起居。上

乘輦入門。至大成殿門。降輦。有旨免鳴鞭。以昭至敬。閣門太常禮直官。前導入御帳。

太常卿跪奏。稱太常卿臣某言。請皇帝行酌獻之禮。上出御帳。升殿。詣文宣王位前。

三上香。跪受爵。三祭酒。奠爵。兩拜。在位皆兩拜。降階。歸帳。太常卿奏禮畢。陪位官並

退。上乘輦鳴鞭入崇化堂。降輦入帳。更衣。上所至皆設御帳。禮官國子監官三學官三學生。

竝於堂下分東西立。次引執經官講書官於堂下東壁面西立。宰臣執政已下。北向

立。閣門奏班齊。上服帽紅上蓋玉束帶絲履。出崇化堂坐。宰臣已下。宣名奏聖躬萬

福。御樂傳旨宣升堂。各兩拜。贊賜坐。分東西階升堂。席後立。次引執經官講書官奏

萬福。官該宣名者即宣名。兩拜。次引國子監三學官并三學生。奏萬福。兩拜。分引升兩廡。席後

立。內官進書案聽宣。以經授執經官。進於案上。講筵內承受對展經冊入。內官進牙

界方。舍人贊賜坐。宰相已下。及兩廡學官生員應喏訖。各就坐聽講。講書官進請經

義。執經官執牙篋執請入。內官收撤經書。再以講義授講官。講書官指講訖入。內官

撤書堂上。兩廡官竝起分行。宰臣已下降階。講書官當御前躬身致詞。北向立。兩拜。

御樂降階宣答云。有制。謁款將聖。廟尊視學之儀。講繹中庸。爰命數經之彥。茂明藝

訓。允當朕心。再兩拜。御樂傳旨宣坐。賜茶訖。舍人贊躬身不拜。各就坐。分引升堂。席

後立。兩拜。各就坐。翰林司供御茶訖。宰臣已下。并兩廡官贊喫茶訖。宰臣已下。降階。

北向立。御樂傳旨不拜。引兩廡官北向。各再拜訖。出。皇帝起。易服幞頭上蓋玉束帶絲

履。乘輦鳴鞭出學。百官諸生迎駕如前。隨駕樂部。參軍色迎駕念致語。雜劇色念口

號。曲子起壽。同天引子。導駕還宮。在學前廊。並該恩出官諸生。各有免解恩例。餘並推恩有差。

北使到闕

北使到闕。先遣伴使賜御筵於赤岸之班荆館。中使傳宣撫問。賜龍茶一斤。銀合三十兩。次日。至北郭稅亭茶酒。上馬。入餘杭門。至都亭驛。中使傳宣賜龍茶銀合如前。又賜被褥銀沙鑊等。明日。臨安府書送酒食。閤門官說朝見儀。投朝見榜子。又明日。入見於紫宸殿。見畢。赴客省茶酒。遂賜宴於垂拱殿。酒五行。從官已上與坐。是日。賜茶酒名果。又賜使副衣各七事。幞頭牙笏二十兩。金帶一條。并金魚袋鞵一雙。馬一匹。鞍轡一副。共折銀五十兩。銀沙鑊五十兩。色綾絹一百五十匹。餘並賜衣帶銀帛有差。明日。賜牲饌。折博生羅十匹。綾十匹。絹布各二匹。朝見之二日。與伴使偕往天竺寺燒香。賜沉香三十兩。并齋筵乳糖酒果。次至冷泉亭。呼猿洞。遊賞。次日。又賜內中酒果。風藥花錫。赴守歲夜筵。用傀儡。元正。朝賀禮畢。遣大臣就驛。賜御筵。中使傳宣勸酒九行。三日。客省簽賜酒食。禁中賜酒果。遂赴浙江亭觀潮酒七行。四日。赴玉津園燕射。命善射者假官伴之。賜弓矢。酒行樂作。伴射與大使射弓。館伴與副使射。

雙酒五行。陳利酒五日。大燕集英殿。尚書郎官監察御史已上。並與學士院撰致語。

六日。裝班朝辭退。賜襲衣金帶三十兩。銀沙鑼五十兩。紅錦二。色綾二匹。小綾十。色

絹三十匹。雜色絹一百匹。餘各有差。臨安府書送贈儀。復遣執政就驛賜燕。晚赴解

換夜筵。伴使始與親勸酬。且以衣物為侑。謂之私觀。次日。賜龍鳳茶金銀合。乘馬出

北關。登舟。又次日。遣近臣賜御筵。自到關至朝辭。密賜大使銀一千四百兩。副使八

百八十兩。衣各三襲。金帶各三條。都管上節各銀四十兩。衣二襲。中下節各銀三十

兩。衣一襲。塗金帶副之。

宮中誕育儀例略

宮中凡閣分有娠將及七月。本位醫官申內東門司。及本位提舉官。奏聞門司特奏。

再令醫官指定降誕月分訖。門司奏排辦產閣。及照先朝舊例。三分減一。於內藏庫

取賜銀絹等物如後。

羅二百匹

絹四千六百七十四匹

釘致產閣三朝一臘二
臘三臘滿月百許頭碎

金二十四兩八錢七分四釐

表木筭秤杖針眼鈴錠鍍盆。
兼針眼陳刺作銀計俱似誤。

銀四千四百四十兩

銀錢三貫足

大銀盆一面

醜醜沈香酒五十三石二斗八升

裝畫扇子一座

裝畫油盆八面

簇花生色袋身單

陳列單下有袋字

一副

催生海馬皮二張

檀香匣威硬銅剃刀二把金鍍銀鎖鑰全

彩畫油栲橈簸箕各一

彩畫油瓶八口

彩畫油瓶二

新羅漆馬銜鐵一副

裝畫胎衣瓶

鐵秤錘五箇

鐵鈎五十條

眠羊卧鹿二合各十五事

金銀果子五百箇

影金貼羅散花兒二千五百

錦浣席一

綠席蓮蒲合褥子各二

陳刻蒲作繡

碼碯緞絹一匹

大氈四領

乾葶草一束

雜用盆十五箇

暖水釜五箇

綠油柳木槌十箇

生菜一合

生艾一斤

生母薑二斤

黑豆一斗

全楊枕

無灰酒二瓶

米醋二瓶

紐地黃汁布二條

濾藥布二條

全漆箱

香墨十錠

刻細漆影全匣○陳
刻細漆作紅羅

雞子五十箇

全漆箱

小石子五十顆

竹作籠

竹柴五十把

紅布袋二盛

馬桶末用

帶泥藕十挺

生羊子一合

彩畫

銀杏一合五十斤內裝壹一十箇

嘉慶子五十斤內裝壹七百箇

菱米五十斤內裝壹七百箇

荔枝五十斤

胡桃二千箇裝壹

圓眼五十斤裝壹

蓮肉五十斤

棗兒五十斤

柿心五十斤

栗子五十斤

梁子十合棟刻菓子

喫食十合蒸羊一口生羊前花八節羊六色菓子棗大包菓子棗浮圓兒碗豆棗塔兒炊餅糕糖餅麵餅

仍令太醫局差雇料大小方脉醫官宿直供畫產圖方位飲食禁忌合用藥材催生物件合本位踏逐老娘伴人乳婦抱女洗澤人等申學士院撰述淨胎髮祝壽文排

辦產閣了畢。犒賜脩內司會通門官本司人吏庫子醫官儀鸞司等人銀絹官會。有差候降誕日。本位官即便申內東門司轉奏降誕三日。一臘兩臘四節次。拆產閣三臘滿月。二次百拜頭昏。已上十次。支賜銀絹。仍添本位聽宣內人請給十分。已上並係常例。此外特恩臨時取旨。不在此限。外廷儀禮。不在此內。

冊皇后儀

先一日。宣押翰林學士鎖院革冊后制詞。賜學士潤筆金二百兩。次日。百官聽宣布。皇后三辭免。不允。差官奏告天地宗廟社稷諸陵。太史局擇日。先期命有司陳設。至日早。文武百僚集於大慶殿門外。節次贊引執事官入立班定。皇帝自內服幘頭紅袍玉帶。入幄。更服通天冠絳紗袍。禮部侍郎奏中嚴外辨。禮儀使俛伏跪稱。禮儀使臣某言。請皇帝發冊。餘與德壽宮上冊寶禮儀並同。侍中詣御坐前。躬承旨訖。降東階立。稱有制。皆再拜。太傅太保躬身。侍中宣制曰。冊妃某氏。立為皇后。命公等持節展禮。太傅太保再拜。參政帥掌節者脫節衣。詣太傅位。掌節者以節授參政。參政奉節西向。以節授太傅。太傅受訖。以節授掌節者。次中書令以冊授太傅。太傅受訖。置於案。次侍中轉寶授太保。並如前儀。復位。並再拜。持節者前導冊寶進行。太傅押冊。太保押寶。正安

樂由中道出文德殿東偏門

樂

掌節者加節衣。至穆清殿外帷次。初冊寶出門。禮儀

使至御座前跪奏。禮儀使臣某言。禮畢。內侍承旨索扇。扇合。簾降。鳴鞭。協律郎舉麾

鼓祝。

樂作

皇帝降坐。入東房。曼敵。樂侍中版奏解嚴。是日穆清殿設樂架黃麾仗。皇

后常服。乘金龍肩輿。至穆清殿後西閣。內命婦等應陪列者。奉從至閣內。侍中版奏

中嚴外辨。應行事執事官各就門外位立定。持節者立於左。內命婦各就位。皇后首

飾。禮衣內侍引司言。司言引尚宮。尚宮引皇后出閣。協律郎舉麾。樂由西房至殿

上。南向立定。

樂

直官引太傅太保就內給事前西向。跪稱冊使太傅某副使太保

某。奉制授皇后前備物典冊。俛伏興退。復位。內給事詣皇后前跪奏如前。次太傅以

冊授內侍。內侍受冊。舉冊官奠冊。舉冊舉案。俱詣內謁者監位。以冊授內謁者監。受

冊。奠訖。次太保轉寶授內謁者監。如前儀。掌節者脫節衣。以節授掌節。內侍前導冊

寶。進行入殿門。內謁者監都大主管。後從。以次入殿庭。

樂

至位。

樂

尚宮引皇后自

東階至殿下中褥位。北向。

樂

至位。

樂

舉冊寶官并案。進於皇后之右。少前西向。跪

奠訖。內侍稱有制。后再拜。讀冊官跪宣冊文。后又再拜。次內謁者監奉冊授皇后。皇

后受訖。以授司言。次奉寶授皇后。皇后受訖。樂皇后再拜退。內侍以謝皇太后。殿授

皇后。皇后置於案。再拜。內侍奉表以出投進。次謝皇帝表如前。內侍奏禮畢。次尚宮

引皇后升堂。和安司賓奉寶。至於坐前。樂止司賓引內命婦次就位。班首初行。惠安至

位。樂止命婦皆再拜。司贊引班首升階。惠安進當皇后北向致詞稱贊降自西階。惠

至位。樂止內外命婦皆再拜。司言稱令旨。命婦皆再拜。宣令旨訖。又皆再拜。司賓以

次引命婦還宮。惠安出門。樂止次內侍引外命婦出。咸安至階上。樂止北向致詞。咸安降

階。樂止外命婦皆再拜。又宣答如前。內侍奏禮畢。皇后降坐。咸安皇后歸閣。泰安至閣。

受賀畢。皇后更常服升坐。命外命婦如宮中儀會。畢再拜。以次出。

皇后歸謁家廟。用咸淳全后例

太史局預擇日。降旨。命禮寺參酌禮典所屬排辦。至日。皇后出宮。至祥曦殿。上升龍

檐。出和寧門。至皇后家廟。本府幹辦使臣等竝穿東。兵士竝衫帽。於大門外香案前

排立。俟儀衛至。各兩拜。本府親屬於門內。婦人於廳下側立。俟龍檐升廳。至堂門降

檐。入帳。次少歇。次本府親屬竝立帳前。興居退。詣家廟。以俟陪立。次本閣官奏請皇

后服團冠背兒。乘小車入。詣家廟。內侍傳呼西階降車。樂止皇后升堂。西向位。樂兩拜。

陪位官各兩拜。讀祝文兩拜。陪位各兩拜。如上儀。樂止如上儀。皇后還位。再拜。陪位官各

兩拜。皇后降東側階升車。樂止又詣後堂炷香如前儀。次赴賜筵。皇后坐於堂中。南向。堂前施簾。親屬竝常服。詣廳下。南向謝恩。俟皇后升堂。詣簾前兩拜。婦人於簾內兩拜。親屬竝繫鞵立定以俟。就坐。供進酒食。如家人禮。至第五盞。各於席前立。俟。皇后降坐少歇。再生。竝如前儀。又至第九盞。酒畢。竝鞞笏各兩拜。賜筵賜物。次於廳前。排立。謝恩。各兩拜。俟皇后出帳。乘龍轎。親屬北向兩拜退。皇后還內。詣御前謝恩。進納御前。及送諸閣分夫人御侍韶部職事內人。及諸位次內人。本殿內人。竝細色匹帛盤盞。細果。海鮮。時新喫食。及支給內侍省大官已下。及本殿官吏銀絹。有差。次日。內降指揮。皇后封贈三代。親屬竝行推恩。

早泛索

皇后

下飯七件

菜蔬五件

親屬

茶果十合

小碟兒五件

賜筵

皇后

繡高釘十

時果十樣

脯腊十楪

細京果十楪

細蜜煎十楪

看菜十楪

陳刻
看果

親屬

京果四十壘

脯腊三百楪

時果乾果共五百楪

初坐

皇后

下酒喫食九盞

上細看食十件

果子意思十件

歇坐

下酒喫食十盞

果子十件

時果十件

宣賜折食錢

大官四員

閤長已下十三員

皇后閤內人

押班等二十五人

本殿隨從官

儀鸞司官

御酒庫官

御葦院官

御廚官

翰林司官

祇候庫官

講殿幕士

樂官

賜筵樂次

家廟酌獻三盞諸部合長生樂引子

賜筵初坐蕙蘭芳引子

第一盞齋策起玉漏遲慢 笛起側犯 笛起真珠髻 戚策起柳穿鶯

合喜慶曲破對舞

第二盞齋策起聖壽永歌曲子 琵琶起傾盃樂

第三盞琵琶起憶吹簫 齋策起獻仙音

第四盞琵琶獨彈壽千春 笛起芳草渡 念致語口號 勾雜劇色時和等

做堯舜禹湯斷送萬歲聲 合意思副末念

雨露思濃金穴貴
風光遠勝馬侯家

第五盞齋策起賣花聲 笛起魚水同歡

歇坐

第一盞齋集合小唱簾外花

第二盞琵琶獨彈壽無疆

陳刻無疆壽

第三盞箏琶方響合使雙文燕神曲

第四盞唱賺

第五盞鼓板 齊築合小唱舞楊花

再坐

第六盞笙起壽南山 方響起安平樂

第七盞箏彈會羣仙 笙起吳音子 勾雜劇吳國寶等做年年好斷送四時

歡 合意思副末念

香生花富貴
綠嫩草精神

第八盞笛起花犯 齊築起金盞倒垂蓮

第九盞諸部合喜新春慢曲犯

宮樂官五十八人各帽子紫衫腰帶

都管一人幞頭公服腰帶繫鞵執杖子

樂官犒設

內藏庫支賜銀

皇后殿外庫支賜錢酒

本府支犒錢酒

皇后散付本府親屬宅眷幹辦使臣已下

金合

金瓶

金盤蓋

金環

金釵

金釵

金錢

共金五百兩

銀盤蓋

共二十兩

細色段匹

翠領

翠花

翠冠

翠扇

翠篋環

銀錢

畫扇

龍涎香

刺繡領

畫領

生色羅

皇子行冠禮儀畧

太史擇日降旨令太常寺參酌舊禮有司具辦儀物至日質明百僚立班皇帝即御

座禮直官通事舍人太常博士引掌冠贊冠者入就位掌冠以太常卿初入門

至位樂止典儀贊再拜在位皆再拜跪左輔詣御坐前承制降自東階詣掌冠者前稱

有制。典儀贊再拜。在位皆再拜訖。左輔宣制曰。皇子冠。命卿等行禮。掌冠贊冠者再

拜。左輔復位。王府官入詣皇子東房。禮直官通事舍人太常博士引皇子內侍二人

來侍。王府官後從。自後此皇子初行。恭安樂作即席。南向坐。樂禮直官等引掌冠贊冠詣

盥洗。樂指笏盥手。執手訖。執笏升。樂執折上巾者升。掌冠者降一等受之。右執項左

執前進皇子席前。北向跪冠。修安樂作掌冠者興。席南北面立。贊者進席前。北面跪正冠。

興。立於掌冠者後。皇子與內侍跪進服。服訖。樂掌冠者揖皇子復坐。贊冠者跪取爵。

內侍以酒注於爵。掌冠受爵。跪進皇子席前。北向立。祝曰。酒醴和旨。蓬豆靜嘉。受爾

元服。兄弟具來。永言保之。降福孔皆。皇子指笏跪受爵。翼安樂作飲訖。奠爵。執笏太官令

奉饌。設於皇子席前。皇子指笏食訖。樂執笏太官令撤饌。禮直官等復引掌冠贊冠

降詣盥洗。樂指笏盥手。執笏升。樂贊冠者進席前。北向跪。脫折上巾。置於篚。興。內侍

跪受服。興。置於席。執七梁冠者升。掌冠者降二等受之。右執項左執前。進皇太子席

前。北向跪冠。進安樂作掌冠者興。席南北面立。贊者進席前。北面跪。簪結紘。興。立於掌冠

者之後。皇子與內侍跪進服。服訖。樂贊冠者揖皇子復坐。贊冠者跪取爵。內侍以酒

注爵。掌冠者跪受。進爵皇子席前。北向立。祝曰。賓贊既戒。肴核惟旅。申加厥服。禮儀

有序。允觀爾誠。受天之祐。皇子搢笏跪受爵。輔安飲訖。奠爵。執笏。太官令進饌。徹饌。

竝如前。贊冠者進席前。北向跪。脫七梁冠。置於篋。興。內侍跪受服。興。置於席。執九旒。

冕者升。掌冠者降三等受之。右執項。左執前。進皇子席前。北向跪冠。廣安掌冠者興。

贊冠者進席前。北面跪。簪結紘。興。立。皇子興。內侍進服。服訖。樂皇子復坐。贊冠者再。

進酒如前。祝曰。旨酒既清。嘉薦令芳。三加爾服。眉壽無疆。永承天庥。俾熾而昌。皇子。

跪受爵。咸安太官令奉饌如前。皇子降自東階。詣朵殿東房。易朝服。降立於橫街南。

王府官階下西向。皇子初行。樂立位。樂禮直官等引掌冠者詣皇子位。少進。字之曰。

歲日云吉。威儀孔時。昭告厥宇。君子攸宜。口爾成德。永言保之。奉敕。字某。皇子再拜。

舞蹈再拜。奏聖躬萬福。又再拜。左輔詣御坐前承旨。降階。詣皇子前。宣曰。有敕。皇子。

再拜。左輔宣敕戒曰。好禮樂。善服儒講藝。蕃我王室。友于兄弟。不溢不驕。惟以守之。

宣訖。皇子再拜。餘如皇太子儀。次日。文武百僚詣東上閣門。拜表稱賀。

武林舊事卷第九

四水潛夫周密輯

高宗幸張府節次畧

紹興二十一年十月高宗幸清河郡王第供進御筵節次如後

安民靖難功臣太傅靜江寧武靖海軍節度使醴泉觀使清河郡王臣張俊進奉
繡花高釘一行八果壘

香圓

真柑

石榴

棗子

鶯梨

乳梨

櫻楂

花木瓜

樂仙乾果子义袋兜一行

荔枝

圓眼

香蓮

榲子

榛子

松子

銀杏

梨肉

棗圈

蓮子肉

林檎旋

大蒸棗

纓金香藥一行

腦子花兜

甘草花兜

硃砂圓子

木香

丁香

冰龍脰

史君子

縮砂花兜

官桂花兜

白朮人參

橄欖花兜

雕花蜜餞一行

雕花梅毬兜

紅消花兜陳刻

雕花筍

蜜冬瓜魚兜

雕花紅團花

木瓜大段兜

陳刻

雕花金橘

青梅荷葉兜

雕花薑

蜜筍花兜

雕花棖子

木瓜方花兜

砌香鹹酸一行

香藥木瓜

椒梅

香藥藤花

砌香櫻桃

紫蘇茶香

砌香葡萄

砌香萱花柳兜

甘草花兜

薑絲梅

梅肉餅兜

水紅薑

雜絲梅餅兜

脯腊一行

肉線條子

陳刻

皂角餃子

雲夢犯兜

鰾腊

肉腊

妳房

旋鮓

金山鹹豉

酒醋肉

肉瓜羹

垂手八盤子

揀蜂兜

番蒲萄

香蓮事件念珠

巴攬子

大金橘

新椰子象牙板

小椒攬

榆柑子

再生

切時果一行

春藕

鵝梨餅子

甘蔗

乳梨月兜

红柿子

切棖子

切綠橘

生藕錠子陳刻

時新果子一行

金橘

咸楊梅

新羅葛

切蜜草

切肥棖

榆柑子

新椰子

切宜母子

藕錠兜

甘蔗奈香

新柑子

梨五花子

陳刻

雕花蜜煎一行前

砌香鹹酸一行前

瓏纏果子一行

荔枝甘露餅

荔枝蓼花

荔枝好郎君

瓏纏桃條

酥胡桃

纏棗圈

纏梨肉

香蓮事件

香藥葡萄

纏松子

糖霜玉蜂兜

白纏桃條

脯腊一行

下酒十五盞

第一盞

花炊鶴子

荔枝白腰子

第二盞

妳房簽

三脆羹

第三盞

羊舌簽

萌芽肚脰

第四盞

肫掌簽

鶴子羹

第五盞

肚脰膾

鴛鴦燂肚

第六盞

沙魚膾

炒沙魚襯湯

第七盞

鱔魚炒蟹

鶩肫掌湯壘

第八盞

螃蜞釀棖

妳房玉蕊羹

第九盞

鮮蝦蹄子膾

南炒鱔

第十盞

洗手蜆

鱔魚假蛤蜊

第十一盞

五珍膾

螃蜞清羹

第十二盞

鶴子水晶膾

豬肚假江蟪

第十三盞

蝦棖膾

蝦魚湯壺

第十四盞

水母膾

二色釀兜羹

第十五盞

蛤蚧生

血粉羹

插食

炒白腰子

炙肚脰

炙鶴子脯

潤雞

潤兔

炙炊餅

炙炊餅膏骨

炙炊餅三字疑衍陳刻上有不字

勸酒果子庫十番

砌香果子

雕花蜜煎

時新果子

獨裝巴攬子

鹹酸蜜煎

裝大金橘小橄欖

獨裝新椰子

四時果四色

對裝揀松番葡萄

對裝春藕陳公梨

耐勸酒十味

江蜆煤肚

江蜆生

蝓蚌簽

薑醋生螺

陳刻香螺

香螺煤肚

薑醋假公權

煨牡蠣

牡蠣煤肚

假公權煤肚

蟬炬煤肚

準備上細壘四卓

又次細壘二卓內蜜煎鹹酸時
新脯腊等件

對食十盞二十分

蓮花鴨簽

煎兜羹

三珍膾

南炒鱔

水母膾

鴿子羹

鱒魚膾

三脆羹

洗手婢

爇肚脰

對展每分時果子煉刻盤兜

知省

御帶

御藥

直殿官

門司

晚食五十分各件

二色蜜兜

肚子羹

笑靨兜

小頭羹飯

脯腊雞

脯鴨

直殿官大樸煉刻下酒

鴨簽

水母膾

鮮鰕蹄子羹

糟婢

野鴨

紅生水晶膾

鱒魚膾

七寶膾

洗手婢

五珍膾

蛤蜊羹

直殿官合子食

脯雞

油飽兜

野鴨

二色薑豉

雜燒

入糙雞

康魚

麻脯雞臛

炙焦

片羊頭

菜羹一葫蘆

直殿官果子

時果十隔碟

準備

薛方盤羹

備辦外官食次

第一等送並簇

太師尚書左僕射同中書門下平章事秦檜

燒羊一口

滴粥

燒餅

食十味

大碗百味羹

饊兜盤

勸

簇五十饅頭羹

燒羊頭雙

雜簇從食五十事

肚羹

羊舌託胎羹

雙下大陳刻膀子

三脆羹

鋪羊粉飯

大簇釘

鮓糕鶴子

蜜煎三十碟

時果一合切榨

酒三十瓶

少保觀

文殿

大學

士秦

燂

燒羊一口

滴粥

燒餅

食十味

蜜煎一合

時果一合切榨

酒十瓶

第二等

參知政事 余若水 簽書樞密

丞 偁

少師恭國公殿帥楊存中

太尉 兩府 吳益

普安郡王

恩平郡王

各食十味 蜜煎一合 切榨一合 燒羊一盤 酒六瓶

第三等

侍從七員

左朝散郎禮部侍郎兼權吏部尚書陳誠之

左中大夫刑部侍郎兼權吏部侍郎韓仲通

右承議郎權吏部侍郎李如崗

右奉議郎起居舍人湯思退

右朝散大夫太府卿兼戶部侍郎徐宗說

右宣教郎樞密院檢詳諸房文字兼兵部侍郎陳相

右宣教郎中書門下省檢正諸房筆兼給事中陳燮

管軍二員

馬軍太尉成閔

步軍太尉趙密

知閣六員

保信軍節度使領閣門使兼客省四方館事提點皇城司鄭藻

熙化軍承宣使領閣門使兼客省四方館事提點皇城司錢

成州團練使領閣門事兼客省四方館事提點皇城司趙愷

貴州團練使領閣門事兼客省四方館事提點皇城司宋

武節大夫吉州刺史領閣門事兼客省四方館事提點皇城司孟

武節大夫惠州刺史領閣門事兼客省四方館事提點皇城司蘇

御帶四員

降授郢州防禦使帶御器械潘瑞卿

忠州防禦使帶御器械石清

武功大夫遙郡防禦使帶御器械冀彥明

武功大夫兼閤門宣贊舍人帶御器械李彥實

宗室三員

安慶軍承宣使同知大宗正事士街

建州觀察使士劇

瓊州觀察使居廣

外官六員

建寧軍節度使提舉萬壽觀韋謙

崇慶軍節度使提舉萬壽觀韋

慶遠軍節度使提舉萬壽觀吳益

崇信軍承宣使提舉佑神觀劉光烈

永寧軍承宣使提舉佑神觀朱孝莊

武慶軍承宣使提舉佑神觀王安道

各食七味

蜜煎一合

時果一合

酒五瓶

第四等

環衛官九員

右監門衛大將軍貴州刺史 居闕

右監門衛大將軍福州防禦使 士輻

右監門衛大將軍榮州團練使 士陞

右監門衛大將軍貴州團練使 士欽

右監門衛大將軍宣州刺史 士銖

右監門衛大將軍宣州刺史 士赫

右監門衛大將軍吉州刺史 士階

右監門衛大將軍吉州刺史 士暗

右監門衛大將軍吉州刺史 士闕

宣贊舍人十八人

王漢臣

陳清

郭蔓之

王正月

陳劄
王肯

許彥洪

鄭應之

裴良弼

陳迪

李大有

王邦昌

張彥圭

梁份

鄭立之

李邦傑

蔡舜臣

谷瑋

王德霖

張安世

閣門祇候二十人

李丙

李唐諡

鄭明

范涉

周諶

張令綽

張拱

楊价

賈公正

陳仲通

劉堯咨

張耘

何忱

李偁

王謙

董原

劉伉

劉康祖

何超祖

朱邦達

看班祇候八人

梁振之

王諡

董珩

司馬純

陳劄
紀

潘思夔

張赫

馮倚

劉堯卿

提點兼祇應行首五人

李觀 邊思聰 逢鎬 鄭孝禮 常士廉

三省樞密房副承旨遜房副承旨六人

劉興仁 劉興賢 韓師文 武鑄 邊俊民 嚴經安

隨駕諸局幹辦監官等十八人

成州團練使幹辦皇城司馮持

右武郎幹辦皇城司劉允升

保義郎幹辦御廚潘邦

保義郎幹辦御廚馮藻

保義郎幹辦翰林司王喜

脩武郎幹辦儀鸞司郭公既

保義郎幹辦祗候司黎安國

武翼郎閣門宣贊舍人兼翰林幹辦御輦院邵璠

忠翊郎幹辦左右驛驥院班彥通

武忠郎幹辦左右驛驥院張淳

承信郎閣門祇候兼幹辦左右騏驎院 裴良從

武功大夫幹辦行在左藏庫石 瑜

右朝散大夫幹辦行在左藏庫劉 份

武功大夫幹辦行在左藏庫吳 鑄

忠翊郎閣門祇候兼幹辦行在左藏庫 趙 節

承節郎閣門祇候兼幹辦行在左藏庫 劉 勳

忠翊郎主管軍頭司兼祇應 杜 淵

保義郎主管軍頭司兼祇應 徐宗彥

各食五味 時果一盒 酒二瓶

第五等

閣門承受十人 知班十五人 御史臺十六人

各食三味 酒一瓶

聽叫喚中官等五十分

各食五味 斬羊一觔 饅頭五十箇 角子一箇 鋪薑粉散

下飯鹹豉 各酒一瓶

進奉盤合

寶器

御藥帶一條

玉池面帶一條

玉獅蠻樂仙帶一條

玉鶴兔帶三條

玉璧環二

玉素鍾子一

玉花高足鍾子一

玉枝梗瓜盃一

玉瓜盃一

玉東西盃一

玉香鼎二

全盃

玉盆兜一

玉椽頭襟兜一

玉古劍瓏等十七件

玉圓臨安樣襟兜一

玉鞞獨帶刀子二

玉竝三鞞刀子乎四

玉犀牛合替兜一

金器一十兩

珠子十二號共六萬九千五百九顆

珠子念珠一串一百九顆

馬價珠金相束帶一條

翠毛二百合

白玻璃圓盤子一

玻璃花瓶七

玻璃碗四

瑪瑙碗大小共二十件

古器

龍文鼎一

商彝二

高足商彝一

商父彝一

周盤一

周敦二

周舉壘一

有益獸耳周壘一

汝窑

酒瓶一對

洗一

香爐一

香合一

香毬一

盞四隻

孟子二

出香一對

大匱一

小匱一

合仗陳刻
白代

螺鈿合一十具織金錦
褥子全

犀毘陳刻
皮合一十具織金錦
褥子全

書畫

有御寶十軸

曹霸五花驄

馮瑾齋煙長景

易元吉寫生花

黃居寶雀竹

吳道子天王

張萱唐后竹叢

唐后字
號誤

邊鸞萱花山鷓

黃荃萱草山鷓

宗婦曹氏蓼岸

杜庭睦明皇斫臈

無寶有御書九軸

趙昌躑躅鷓鴣

梅竹思躑躅母雞

杜霄撲蝶

巨然嵐鎖翠峯

徐熙牡丹

易元吉寫生枇杷

董源夏山早行二軸

偽主李煜林泉渡水人物

無寶無御書二軸

荆浩山水

吳元俞紫氣星

匹帛

撚金錦五十匹

素綠錦一百五十匹

木綿二百匹

生花番羅二百匹

暗花婆羅二百匹

樗蒲綾二百匹

進奉犒設

隨駕官知省御帶御藥門司直殿官

紫羅五百匹

雜色纈羅五百匹

馬下目子錢一萬貫文

禁衛一行祇應人等

錢二萬貫文

炊餅二萬箇

熟豬肉三千觔

燒爆三十合

酒二千瓶

本家親屬推恩

弟 拱 衛 大 夫 張 保

男右奉議郎直敷文閣主簿台州崇道觀賜紫金魚袋張子顏

男右宣教郎直敷文閣奉直學士張子正

孫承事郎籍田令賜紫金魚袋張宗元

孫承事郎籍田令賜紫金魚袋張子益

孫承事郎籍田令賜紫金魚袋張子儀

姪承奉郎張子安

姪忠翊郎張子文

姪孫保義郎張宗旦

姪孫保義郎張宗亮

姪孫登仕郎張宗說

姪孫成忠郎張宗益

姪孫登仕郎張宗顯

妻秦國夫人魏氏

妾咸寧郡夫人章氏

妾和寧郡夫人楊氏

妾 碩 人 潘氏

妾 碩 人 沈氏

妾 碩 人 曹氏

妾 碩 人 周氏

弟 婦 太 碩 人 王氏

弟 婦 恭 碩 人 任氏

第二 女 孺 人 張氏

第三 女 孺 人 張氏

第四 女 孺 人 張氏

男 子 顏 婦 王氏

男 子 正 婦 王氏

孫 宗 元 婦 王氏

姪 子 蓋 婦 碩 人 趙氏

姪 子 儀 婦 碩 人 郭氏

紹興二十一年十一月

日

和州防禦使幹辦府事兼提點兼排辦一行事務張貴具

陳刻兼提點作差提點排
辦上無兼字張貴作張青

武林舊事卷第九終

武林舊事卷第十

官本雜劇段數

宋 四水潛夫周密輯

爭曲六么

扯欄六么

教聲六么

鞭帽六么

衣籠六么

廚子六么

孤奪旦六么

王子高六么

崔護六么

骰子六么

照道六么

鶯鶯六么

大宴六么

驢精六么

女生外向六么

慕道六么

三諾慕道六么

雙欄孝六么

趕殿夾六么

羹湯六么

索拜瀛府

厚熟瀛府

哭散子瀛府

醉院陳刻君瀛府

懊陳刻骨頭瀛府

賭錢望瀛府

四僧梁州

三索梁州

詩曲梁州

頭錢梁州

食店梁州

法事饅頭梁州

四哮梁州陳刻

領伊州

鐵指甲伊州

鬧五伯伊州

裴少俊伊州

食店伊州

桶陳刻擔新水

雙哮新水

燒花新水

簡帖薄媚陳刻

請客薄媚

錯取薄媚

傳神薄媚

九妝薄媚

本事現薄媚

打調薄媚

拜褥薄媚

鄭生遇龍女薄媚

土地大明樂

打毬大明樂

三爺老大明樂

列女降黃龍

雙旦降黃龍

柳批此刻上官降黃龍

趕殿胡渭州

單番將胡渭州

銀器胡渭州

看燈胡渭州三

入寺降黃龍

榆標降黃龍

打地鋪道遙樂

病鄭道遙樂

崔護道遙樂

淺酒此刻道遙樂

單打石州

和尚此喇那石州

趕殿石州

塑金剛大聖樂

單打大聖樂

柳毅大聖樂

霸王中和樂

馬頭中和樂

大打調中和樂

喝貼萬年歡

託合萬年歡

逐鼓兜熙州

駱駝熙州

二郎熙州

大打調道人歡

會子道人歡

雙陳刻拍道人歡

越娘道人歡

打勘長壽仙

偌賣娘長壽仙

分頭子長壽仙

棋盤法曲

孤和法曲

藏瓶兒法曲

車兒法曲

病命老陳刻無劍器

霸王劍器

黃傑進延壽樂

義養娘延壽樂

扯藍陳刻兒賀皇恩

催妝賀皇恩三傑

封陟中和樂

唐輔採蓮

雙哮採蓮

病和採蓮

諸宮調霸王

諸宮調卦冊兒

相如文君

崔智鞦文虎兒

王宗陳刻道休妻

李勉負心

四鄭舞楊花

四偌皇州

檻偌寶陳刻金枝瓦

浮漚傳永成雙

浮漚暮雲歸

老孤嘉慶樂

兩相宜萬年芳

進筆慶雲樂

裴航相遇樂

能知他泛清波

三釣魚泛清波

五柳菊花新

夢巫山彩雲歸

青陽觀碑彩雲歸

四小將整乾坤

四季夾竹桃花

未打千秋陳刻樂

牛五郎罷金征

新水爨

三十拍爨

天下太平爨

百花爨

三十六拍爨

四子打三教爨

孝經借衣爨

大孝經孫陳刻爨

喜朝天爨

說月爨

風花雪月爨

醉青樓爨

宴瑤池爨

錢手怕爨

小字太平歌
怕陳刻拍

詩書禮樂爨

醉花陰爨

錢爨

鷓鴣爨

鷓鴣陳刻鷓
鴣字無考

借聽爨

大徹底錯爨

黃河賦爨

睡爨

門兜爨

上借門兜爨

抹紫粉爨

夜半樂爨

火發爨

借衫爨

燒餅爨

調燕爨

棹孤舟爨

木蘭花爨

月富廳爨

醉還醒爨

鬧夾棒爨

撲胡蝶爨

鬧八妝爨

鐘馗爨

銅博爨

燕雙爨

惱子爨

像生爨

金蓮子爨

思卿早行孤

睡孤

逐鼓孤

論禪孤

諱樂

諱樂孤

大暮故孤

小暮故孤

老姑

老姑孤刺遣担

孤慘

雙孤慘

骨肉

三孤慘

四孤醉留客

四孤夜宴

四孤好

四孤披頭

四孤插

病孤三鄉題

王魁三鄉題

強佑三鄉題

文武問命

兩同心卦鋪光

一井金卦鋪光

滿皇州卦鋪兜

變貓卦鋪兜

白苧卦鋪兜

探春卦鋪兜

慶時豐卦鋪兜

三孝卦鋪兜

三孝揭榜

三孝上小樓

三孝文字兜

三孝好女兜

三孝一檐脚

三孝合房

三孝店休担

三孝負酸

秀才下酸描

急慢酸

眼藥酸

食藥酸

風流藥

黃元兜

論淡

醫淡

醫馬

調笑驢兜

雌虎羅智

解熊

鶻打兔變二郎

二郎神變二郎神

毀廟

入廟霸王兜

單調霸王兜

單調宿

單背影

單頂戴

單唐突

單折洗

單兜

單搭手

雙搭手

雙廠送

雙廠投拜

雙打毯

雙頂戴

雙圍子

雙索帽

雙三教

雙虞侯

雙養娘

雙快

雙捉

陳刻

雙禁師

雙羅羅啄木兜

賴房錢啄木兜

圍城啄木兜

大雙頭蓮

小雙頭蓮

大雙慘

小雙慘

小雙索

雙排軍

醉排軍

雙賣姐

三入舍

陳刻三
合入

三出舍

陳刻三
出合

三笑月中行

三登樂院公狗兜

三教安公子

三社爭賽

三頂戴

三偌一債驢

三盲一偌

三教鬧著棋

三借窯貨兜

三獻身

三教化

三京下書

三短鞭

打三教菴宇

普天樂打三教

滿皇州打三教

領三教

三姐醉還醒

三姐黃鶯兜

賣花黃鶯兜

大四小將

四小將

四國朝

四脫空

四教化

泥孤

張約齋賞心樂事并序

余掃軌林扃。陳刻不知衰老。卽物逢殘。花鳥泉石。領會無餘。每適意時。相羊小園。殆覺風景與人為一。閒引客攜觴。或幅巾曳杖。嘯歌往來。澹然忘歸。因排比十有二月。燕遊次序。名之曰四井集。授小菴主人。以備遺忘。非有故。當力行之。然為具真率。毋致勞費。及暴殄沈湎。則天之所以與我者。為無負。無襲昔賢有云。不為俗情所染。方能說法度人。蓋光明藏中。孰非遊戲。若心常清淨。雖諸取著。於有差別境中。而能常入無差別定。則淫房。陳刻酒肆。偏歷道場。鼓樂音聲。皆談般若。倘情生智隔。陳刻情境逐源移。如鳥黏繭。動傷軀命。又烏知所謂說法度人者哉。聖朝中興七十餘載。故家風流。陳刻淪落幾盡。有聞前輩典型。識南湖之清狂者。必長哦曰。人生不滿百。常懷千歲憂。晝短苦夜長。何不秉燭遊。一旦相逢。不為生客。嘉泰元年歲次辛酉十有二月。約齋居士書。

正月孟春

歲節家宴

忘春日迎春春盤

人日煎餅會

玉照堂賞梅

天街觀燈

諸館賞燈

叢奎閣賞山茶

湖山尋梅

攬月橋看新柳

安閒堂掃雪

二月仲春

現樂堂賞瑞香

社日社飯

玉照堂西賞細梅

南湖挑菜

玉照堂東賞紅梅

餐霞軒看櫻桃花

杏花莊賞杏花

羣仙繪幅樓前打毬

南湖泛舟

綺互亭賞千葉茶花

馬塍看花

三月季春

生朝家宴

曲水修楔

陳刻流觴

花院觀月季

花院觀桃柳

寒食祭先掃松

清明踏青郊行

陳刻游

蒼寒堂西賞緋碧桃

滿霜亭北觀棟棠

碧宇觀筍

鬪春堂賞牡丹芍藥

芳草亭觀草

宜雨亭賞千葉海棠

花苑蹴秋千

宜雨亭北觀黃薔薇

花院賞紫牡丹

豔香館觀林檎花

現樂堂觀大花

花院嘗煮酒

瀛壖勝處賞山茶

經寮鬪新茶

羣仙繪幅樓下賞芍藥

四月孟夏

初八日亦菴早齋隨詣南湖放生食糕糜

芳草亭鬪草

芙蓉池賞新荷

蕊珠洞賞茶糜

滿霜亭觀橘花

玉照堂賞青梅

豔香館賞長春花

安閒堂觀紫笑

羣仙繪幅樓前觀玫瑰

詩禪堂觀盤子山丹

餐霞軒賞櫻桃

南湖觀雜花

鷗渚亭觀五色鶯粟花

五月仲夏

清夏堂觀魚

聽鶯亭摘瓜

安閒堂解粽

重午節泛蒲家宴

煙波觀碧蘆

夏至日鶯肉陳刻

綺互亭觀大笑花

南湖觀萱草陳刻

鷗渚亭觀五色蜀葵

水北書院採蘋

清夏堂賞楊梅

叢奎閣前賞榴花

豔香館賞靈林擒

摘星軒賞枇杷

六月季夏

西湖泛舟

現樂堂賞花白酒

樓下避暑

蒼寒堂後碧蓮

碧宇竹林避暑

南湖湖心亭納涼

芙蓉池賞荷花

約齋賞夏菊

霞川食桃

清夏堂賞新荔枝

七月孟秋

叢奎閣上乞巧家宴

餐霞軒觀五色鳳光

立秋日秋葉宴

玉照堂賞玉簪

西湖荷花泛舟

南湖觀稼陳刺魚

應鉉齋東賞葡萄

霞川觀雲陳刺霞川水莊

珍林剝棗

八月仲秋

湖山尋桂

現樂堂賞秋菊

社日糕會

眾妙峯賞木樨

中秋摘星樓賞月家宴

霞川觀野菊

綺互亭賞千葉木樨

浙江亭觀潮

羣仙繪幅樓觀月

桂隱攀桂

杏花莊觀雞冠黃葵

九月李秋

重九家宴

九日登高把萸

把菊亭採菊

蘇堤上翫芙蓉

珍林賞時果

景金軒賞金橘

滿霜亭嘗巨螿香橙

杏花莊鬻新酒

芙蓉池嘗五

陳刻色拒霜

十月孟冬

旦日開爐家宴

立冬日家宴

陳刻

現樂堂煖爐

滿霜亭賞蚤霜

陳刻

煙波觀買市

賞小春花

杏花莊挑芥

詩禪堂試香

繪幅樓慶煖閣

十一月仲冬

摘星軒觀枇杷花

冬至節家宴

繪幅樓食餛飩

味空亭賞蠟梅

孤山探梅

蒼寒堂賞南天竺

花院賞水仙

繪幅樓前賞雪

繪幅樓削雪煎茶

十二月季冬

綺互亭賞檀香蠟梅

天街閱市

南湖賞雪

家宴試燈陳刻安聞
堂試燈

湖山探梅

花院觀蘭花

瀛壖勝處賞雪

二十四夜錫果食

玉照堂賞梅

除夜守歲家宴

起建新歲集福功德

約齋桂隱百課

淳熙丁未秋。余捨所居為梵刹。爰命桂隱堂。館橋池諸名。各賦小詩。總八十餘首。逮慶元庚申。歷十有四年之久。匠生於心。指隨景變。移徙更葺。規撫始全。因刪易增補。得詩凡數百綱。舉而言之。東寺為報上嚴先之地。西宅為安身攜幼之所。南湖則管領風月。北園則娛燕賓觀。亦菴晨居植福。以資淨業也。約齋書處觀書。以助老學也。至於暢懷林泉。登賞吟嘯。則又有衆妙峯山。包羅幽曠。介於前六者之間。區區安恬。陳刻嗜靜之志。造物亦不相負矣。或問余曰。造物不負子。子亦忍負造物哉。陳刻亦誤。身釋名官之拘囚。享天真之樂。陳刻適要當於筋骸。陳刻未衰時。今子三仕中朝。願華齒墮。涉筆纔十二句。陳刻纔字作總無如之何。則可。余應之曰。仕雖多。不使勝聞日。余之願也。余之幸也。敢不勉旃。壬戌歲中夏。張鉉功父書。

東寺

杖額廣壽慧雲

大雄尊閣十佛

靜高堂鐵

真如軒柱

西宅

叢奎閣

安奉被賜
四朝宸翰

德敷堂

祖廟以高宗
御書二字名

儒閣堂

前堂用告
詞字取名

現樂堂

中堂用朱
巖室語

安閒堂

後
堂

綺互亭

有小
四軒

瀛壖勝處

東北小堂
前後山水

柳塘花院

應鉉齋

筮得蘇
外故名

振藻

取告詞
中字名

宴頤軒

尚友軒

賞真亭

山
水

亦菴

法寶千塔

鐵鑄千塔
鐵經千卷

如願道場

藥沖
佛壇

傳衣菴

寫經寮

書華嚴等
大乘諸經

約齋

泰定軒

南湖

閔春堂牡丹

天鏡亭水

鷗渚亭

汎月闕水

北園

羣仙繪幅樓前後十一間下臨丹桂五

桂隱諸處總名今揭樓下

玉照堂梅花四

豔香館雜春花二百株

水北書院對山

撫鶴亭迎松

味空亭梅

攬月橋

蕊珠洞茶藤二十株

煙波觀

御風橋附

把菊亭

星槎碣

五

五

清夏堂臨池

蒼寒堂百株

碧宇修竹

界華精舍得名

芳草亭臨池

垂雲石高二丈廣十四尺

飛雪橋柱中

芙蓉池紅蓮十畝四面種芙蓉

珍林隸果

涉趣門總門入

安樂泉竹間

杏花莊村酒

鵲泉研

衆妙峯山

詩禪堂

黃寧洞天

景白軒寘香山畫像并文集

丈光軒池

綠畫軒陳刻木牌

書葉軒柿二

俯巢軒高檜

無所要軒

長不昧軒

摘星軒

餐霞軒櫻桃三

讀易軒

詠老軒道德

凝薰堂

楚佩亭蘭

空雨亭十葉海棠二

滿霜亭楠五十

聽鶯亭柳邊

千歲菴仁皇飛

恬虛菴

白宇

憑暉亭

弄陳荆芝亭

都微別館

蒲度人經處經乃徽宗御書

水湍橋

施無畏洞

觀音銅像

漪嵐洞

澄霄臺

登歡臺

金竹巖

古雪巖

隱書巖

石函仙書在巖穴中可望不可取

新巖

疊翠庭

茂林中空十許人坐

釣磯

菖浦澗

上有小石橋

中池

養金魚在湖中

珠梳瀑

藏丹谷

煎茶磴

右各有詩在集中此不繁錄

附錄

宋氏武林舊事跋

杭郡地卑隘。不可以國。宋高宗南播。樂其湖山之秀。物產之美。遂建都焉。傳五帝享國百二十有餘年。雖曰偏安。其制度禮文。猶足以彷彿東京之盛。可恨者。當時之君臣。忘君父之讐。而沉酣於湖山之樂。竟使中原不復。九廟為墟。數百載之下。讀此書者。不能不為之興歎。書凡六卷。四水潛夫輯。潛夫亦不知為誰。其紀武林之事。較他書為備。因命工刊置郡庠。俾博雅者有考焉。武林杭郡名。正德戊寅孟夏。巡按浙江監察御史奉天宋廷佐跋。

陳氏秘笈後武林舊事序

余往讀杭板舊事。意似有未盡者。久之。海虞趙元度示余全帙。則自祺待詔已下五卷。杭刻所缺也。然趙本所有。不暇泛考。即田氏西湖志餘。摭拾最博。無論第一段。西牌。還內後十行。田志不收。更檢淳熙五年二月六年三月九月九年中。秋觀濤諸則。大都此本。究盡志餘。前後多彼此不同。又如高宗幸張循王。多親屬推恩二幅。張功甫賞心樂事。多桂隱等四幅。其若太學已後及雜劇七條。志記別錄。亦多異同。豈田

氏未之見邪。余更有感於壽皇孝養思陵。而光宗惑於凶北。至為不朝不臨。此無異故。孝宗得非所望。故能竭孝展思。光宗謂所固有。遂至溺讒行忍。此繼立賢於身出。人態俗情。最悲隱地也。至若張俊公附秦檜贊協和議。翼握兵柄。不踰年而為江邈劫罷。思陵幸第時。解柄之明年也。觀其進奉珍玩之數。此皆鬻賣中原牙僧鏹貫耳。地主觀之。能無面頰汗下乎。約齋標韻孤。上賞識風花。為雅流歸與。乃以謀誅侂冑。賞薄怨望。欲捋虎須。遠謫象臺而死。去玉照堂成。僅隔旬五耳。惜哉。案張楫以謀去文彌遠。楫死。此誤。

海鹽姚士麟叔祥叙。

讀書敏求記一則

武林舊事。流俗本止六卷。予從元人鈔仇先生所藏錄得後四卷。乾淳奉親之事。今昔所無。閱之不勝惋嘆。後過吳門書肆。又購得一本。校此添補數則。并錄入四水潛夫前序一篇。此書始無遺憾矣。

西湖志一則

謹案武林舊事。足本凡十卷。自明正德間宋廷佐刊置郡庠本。又嘉靖間杭郡守陳柯翻刻本。止前六卷。海鹽姚士麟續刻後五卷。目曰。後武林舊事五卷者。即就原本。

後四卷內析出一卷。為五卷也。郎瑛七脩類稿云。杭刻其六。全者在吳人袁飛卿家。是疑續刻五卷猶未全。不知原本止有十卷。見於忻厚德跋。竝未嘗有十二卷也。又七脩類稿云。公謹居齊之東。作齊東野語。居杭癸辛街。作癸辛雜識。泗水出山東。號泗水潛夫。居華不注。號弁陽老人。第舊事皆叙杭事。不應題泗水。然舊本又作四水。當別有義意。按湖錄四水者。湖城以茗水餘不水前溪水北流水。合而入於霅溪。唐人詩。四水交流霅霅聲。據此則四水乃吳興之名。公謹生於湖。中年遷杭。晚仍還弁。號弁陽老人。是則公謹原稱四水。古本作泗水潛夫。洵乎不謬也。



武林舊事。乃升陽老人草窗周密公謹所集也。刊本止第六卷。山村仇先生所藏本。終十卷。後歸西河莫氏家。予就假於莫氏。因手鈔成全書。以識歲月。藏於家塾。至元後戊寅正月。忻厚德用和父。

此書二冊。予假於太子太保遂安伯陳公家。同年友文部副郎黃君廷用錄之以歸。予云。弘治乙卯夏四月望。祝靖手跋。

己未夏五月十六日。校四字。

武林舊事齋中。所有止六卷。趙元度本多四卷。今繕寫增入者是也。古書為市人刊削。以圖省工牟利。往往如此。余借趙本增入者數十種。不獨此書也。萬曆壬子春日。澹翁識。澹生堂印 比本跋

棋待詔以下。原接前第六卷諸色伎藝人之下。自傳鈔既失。而祕笈刊本。誤別為一卷。與前隔斷。微汲古舊本。幾不見原書矣。大抵明季人刊書。俱犯妄作之弊。而祕笈與說郭稗海。則尤繆戾之甚者。己亥二月望前一日。鑒閣書。瓶花齋吳氏本 跋元在第六卷

後

南宋遺老周公謹氏。入元後追憶乾淳舊事。撰述此書。凡朝廷典禮山川風俗。與

夫市肆節物。教坊樂部。無不備載。而於孝廟奉親之事。尤致意焉。武林徵掌故者。多就取材。而流傳絕少。善本此冊得之。紅豆山房惠氏。即讀書敏求記。所謂元人傳自仇山村家足本也。自序一篇。聲情綿邈。悽然有故國舊君之思。不僅流連今昔而已。而舊刻遺之。失其旨矣。爰就明時宋陳兩刻。參校以傳。不惟為藝苑增一佳本。亦以慰作者於百世之上也。乾隆癸丑端陽後一日。歙鮑廷博書於知不足齋。